

摘藻堂四庫全書薈要

集部

欽定四庫全書薈要

集部

空同集卷

十二

十五



詳表官候補通政司經歷
臣郭祚熾

欽定四庫全書薈要卷一萬六千九百一

其部

空同集卷十

明 李夢陽 撰

五言古二

雨後往視田園同田熊二子

鳥性悅儔匹人情豈無慕亟見不云數獨行必相呼去聲

昨有城上眺今復郭南步膏雨回原綠豐林宿殘霧久
蕪慨我廬旱水兩妨誤夏禾既岑漠秋秫庶能獲釀具

粗已足念子有長路

其二

雨暎自有期歲功詎云差昨來偶滂沱萬物皆顏華晴
晨子見過毅然巾我車荒徑蹄轍稀澤國疎桑麻長風
起脩林夕響連蒹葭芄芄南山豆離離東陵瓜懷古看
行雲矯首徒咨嗟

莊上晚歸車阻于潦渠徒步始達於岸

暮醉各言歸風起草獵獵潢潦溢中軌車至不可涉野

黑徑復曲魚貫踵相躡良懼蒼耳窟重為蜥蜴怯童稚
行我先溝塍負而躡世路本夷嶮人情有驚怙閒素輕
波濤臨川想維楫履坦合自咎長吟詠葩葉

山夜

孤月上東岫白鶴激秋唳涼風振溪壑林影颺搖曳山
居本深靜夜氣復澄霽冥心向千古眇焉託真契

蒸熱三子過我東莊

林凋午不歇日毒土色赤鬱言木林密裏時華媚深碧三

人者胡來無乃不速客黃公蒼鬚髯二生

鄭生作程生誥

頎而

暫入蔭齊解帶對酒各岸幘籬萱挺其秀檻果垂易摘
無言豈為默有形忘所役杯乾時一斟遽復至西夕

田園雜詩

朝陽暖秋木凝露未即晞翩翩啄榴鸞自驚集復飛衆
穡既登載我事亦漸稀晨興坐東牖兀然對紅薇噉噉
一白鶴北逝將疇依忍茲稻粱辰而汝甘長饑

其二

大車行棘棘小車響額仄隨分各有營急者稼與穡旦
出在田野日入未遑息長陰下西夕蕭颯起寒色雲霞
變彩氣照我桑麻國立看勞者歸露濡徑不濕

其三

野清雲氣滿場功亦云畢收穫雖有殊大小各盈室感
茲狼戾年追念憂苦日紛然噲其饑妻子孰遑佚歲功
借寒熱人事坐勞逸蕭蕭原野霜何草不垂實

其四

壯時掉塵鞅老乃即農務值茲田事終怛然感霜露原
萋日以斂林華不守故嚴霜淨游氣翔鵠在天路鷓雀
躍蓬蒿啄食不滿嗉而我竟何言飯牛髮今素

其五

田居亦安娛患者寡朋仇農談或時歇仰視蒼雲流青
衿者誰子道言即我謀開尊面圃場剝棗充盤羞物小
意固勤觴既情仍留晶晶遠天色秋暘下林丘

秋詩

百卉淒以腓游行散我矚夕風一何瑟入園乃華馥菊
也紛其英脩篁積寒綠人生匪金鐵榮落譬草木磬折
者誰子誓死日爭逐賢貴與賤愚滅去孰還復鳥雀各
有安無為智者辱

其二

北風胡鴈急小禽亦南飛輕俠羣少年求伺爭有為弋
彈無遺木畢施在中逵百發不一獲用心良足嘆黃雀
墮計中嗚咷如得依白鵠舉雲漢覽之心內悲小大有



分量瑣瑣豈知微

登東城樓晚下樓作贈同遊數子

登樓散涼目隕然日云暮逃暑良已厭戀景復延顧曠
野起暝色層闈合昏霧眷言樓中客共此城上步蚊蟲
撲面游蝙蝠時自度二儀但莽莽一氣黯迴互晝夜本
定理明晦非難悟日入各言息鐘鳴復馳騫齒萃宋帝
閣突兀信陵墓往似宿沙禽來如綴花露徙倚千仞梯
長謠發悲悰

其二

盛陽麗樓臺爛如錦繡錯日入暝烟起俯視但冥漠即
此悟人理天道固可度動靜啓晦明代謝有今昨涼飈
逐夕興迴聲滿虛閣四顧水明滅宿鳥喧相索啞啞啼
城烏噉噉上雲鶴忉怛感晨暮徙倚罷觴酌北斗忽復
低西月隱長薄閃爍海光動翕沓氛霧廓無恃黑頭在
早定滄洲約

寄贈端溪子

歎鳳世已遠悲麟竟何為
蘭蕙秘幽巖蕭艾盈路歧
君子抱明德傷也誰復知
隨流非我心特立乃見疑
亭亭南山松匪無霜霰摧
寒蕤但不改孤貞常自持

其二

智者尚高契達人慕希聲
曠世有相感同時悵難并
烈風起玄朔百卉忽以零
登高望所思慨焉念徂征
鴻鴈序翅飛麋鹿呦呦鳴
為言明馨子盍簪終有成

贈蒼谷子

玄雲翳白日積陰何漫漫風氣日以淒泥雨常不乾漂
籜委川塗百卉良可歎覽物懷伊人撫時悲涼寒憂來
如亂絲理之棼無端為霜念逝鵠多露怨芳蘭所嗟聲
影隔匪懼馨香殘徒把瑤華音長謠望林巖

贈青石子

高鳥有違羣離獸多悲音懿彼婉孌子悵焉分此襟朝
發南河隅夕暮乃北岑玄雲既無極黃波浩且深君其
四海翔無言還舊林

其二

季秋凋羣木寒潦濫中軌
笳鼓濟方舟軒車匝河涘
攀德惜遙邁悵分睇馳晷
采蘭徒情結把菊為誰美
願子厚衣襦霜露自茲始

贈劉潛

人生無常因飄如風中雲
昔別大江隅今也長河濱
涼飈起霜夕隕葉何紛紛
我菊有佳色毅然獨芳芬
遲速良有時勉哉樹高勲

贈崔子

鯤魚游北溟鳳鳥翔南涯扶搖非無運鳴世自有期顯
夫競鐘鼎遁士潛蒿藜駟馬豈不榮泉石安且怡悠悠
西山人匪為薇蕨饑寄言青雲客策勲及今茲

贈孫生

古人種桃李不為蹇其花君子振英芬豈在文與華炎
陽赫晴彩百卉流丹霞賁彼東園實纍纍一何嘉采者
自成蹊舉世徒咨嗟

贈王生

鳳鳥世希有衆人常見疑一朝下西周戛焉鳴高岐光
彩照四極觀者驚以咨神物恥自銜卑鄙甘見欺驥馬
匪伯樂鹽車空號悲熒熒豐城劍非華誰固知

其二

伯牙違鍾期有琴不復彈茲意奚以取良為知音難得
失有榮枯合離成怨懼黃鵠戾天雲玄鴻漸河干淺夫
貴多矜狹士賤自殘幸子固明志顯塞察所安

贈崔生

伊昔振我衣，連步千仞岡。
巖谷窈窕疑，阻歧徑回羊腸。
與者咸莫從子也，乃同行舉首撼天樞。
縱目攬大洋，星斗何歷歷。
海波浩茫茫，登山貴及巔。
涉水非無航，願言窮高深。
念哉母相忘。

贈魏子

霖潦久迺歇，晨興送還輶。
野寒泥淖盛，念茲塗路脩。
人生苟相許，豈必曾綢繆。
踟蹰東路歧，贈子雙吳鉤。

其二

八月浙潮滿念子鼓南楫海月團層峯峯下江葉里
問多宴娛仕宦有榮業早回北向轅晝日望三接

三士篇贈醫李鄭張

嚴飈厲時威槁葉下榮木春風一以敷病草奄回綠天
道豈常肅人事有還復七情既吾賊六淫乃為殞農經
發玄旨軒問擴英馥代殊理易昧行乖計相逐陳亥抱
緜息寒根蘊真育李生起專門鄭子振空谷張也剖金

匱奏効更神速飲橘祗自銜種杏亦可惡誦我三士篇
聊以助清穆

寺游別熊子

天地固常爾遇之情不同但看搖夏樹何似飛秋蓬古
來怨離人豈必窮與通默默兩無語坐披琳殿風

其二

夕風起涼閣入耳松撼撼當此佳勝區誰忍遽離析簷
鶴戛戛鳴羅翠滿衣席異時冠蓋場倘憶幽賞跡

其三

散眸七寶地觴爾孤雲臺一望碧烟合四面清風來流
影盪我前炎樹生秋哀一笑問天地劫灰安在哉

其四

獨立臺上閣俯茲城下湖為問黃金魚徑尺今有無愚
者人盡笑賢之乃謗誣二者吾適從不如乘海桴

甲申中秋寄陽明子

風林秋色靜獨坐上清月眷茲千里共眇焉望吳越窈

窈陽明洞律兀芙蓉闕可望不可即江濤滾山雪

贈李世德

豢畜不生麟鸞穴無鷓鴣求水貴求源佳木無惡條李
門世清修三輩燧雄超黃扉早鍛翮中葉乃淪凋生也
困逾勵奮飛竟雲霄大鈞幹神化萬物隨生消英英畹
中蕙化為艾與蕭願堅謀始心全我金石要

寄贈玉溪子

松蕙不棲蟬熊皮不上蟻秉性死不易斯足驗人理苟

投信若飴義交固如水如水遐則思若飴背乃毀悠悠
徂暑月眷眷念君子霍雲停復飛汾水蕩而駛山西迴
夕陽皎如靚光美徒操孤絕絃歎息竟何以

初秋上方寺別程生

勝地亮常爾佳士難屢并未窮結駟游遽復揚帆行古
林鬱城隅石門敞幽清趁風選濃蔭布席觴羣英竹涼
時自來殘暑驕未平戒飲今二暮為子杯一傾義投不
在故跡遠心自縈念茲徘徊意時哉樹嘉名

贈鄭生

杪秋木葉脫霜露告成歲驅車遡寒郊觸物念征邁戒
舟有程日維駒阻心愛所幸旦暮留前途或風瀨

其二

伊予解組歸汝也美少年駿馬臂兩弓射獵梁王川感
子重意氣授之黃金鞭萬里不易致悲鳴為誰前

其三

英英百尋木時至乃黃落楚楚清俊郎還家鬢蕭索桂

樹寒正滎溪魚白而躍山行采瑤草寄我長生藥

寄程生

河日淡莽莽飄風但塵沙陰陽為誰爭時至枯亦葩念
離傷歲窮懷音怨途賒彼美杳何許孤吟弄瑤華夜攬
海門月晨吸波上霞苦心誰固知延望長自嗟浦鴈回
故翼汀蘭茁新芽無負汴上約梁園多奇花

贈梅國子

烈士有心許佳人重情懽投義既不易識者良獨難清

秋理瑤瑟為君發高彈一曲未云亂仰視孤鴻翻一舉
狹千里再舉青雲端我欲從之逝羽短才力單聲影中
藏之儻接排風翰

贈定齋子

水澄萬形一鏡明別醜好哲人靜以俟愚者苦紛擾君
本觀海人揚旆向東道高步登岱巔橫覽盡洲島匪云
波水浩祇見衆山小孔林秋飈入漂籜委寒草明禋展
躬謁蕪翳為涓掃

空同集卷十

欽定四庫全書薈要卷一萬六千九百二

其部

空同集卷十一

明 李夢陽 撰

五言古三

衛上別王子

晨風應候至雞鳴各嚴車我今游宋中子當旋舊閭僕
夫理前綏轅馬悲鳴趨一別阻秦周相望萬里餘首春
霜露重厚汝征衣襦昔為同袍士今在天一隅故者日

以遠疇能察區區

其二

稅車朝歌里送子輝
水陽羣鴈起高飛
凌風各分翔敦
交多故懷况乃憂
故鄉征夫愁日短
去馬知路長
童童孤生柏
結根南山旁
願言采此柏
遺我心所當
良無白鵠翼
何以得高頰

贈徐禎卿

獨處忽不憚
攬衣循東廂
樹木何脩脩
春風起飄揚
我

友駕在門告言適江湘倉皇挈玉壺追送臨河陽顧瞻
兩飛鳧並戲水中央翩翩厲羽翮鳴聲一何長柰何游
客子一別永相望時澤亮有周天命固其當薄終義所
劣別離庸詎傷懿彼回路贈慷慨申此章

贈王舍人昇

迅風激高雲朝日照嘉林良友忽遠適惻愴摧我心川
原望靡極江路浩且深殊域寡親戚孤子故難任荼蓼
積愈苦淚下不可禁

其二

攬淚瞻林木，鞞鞞敷華葉。
層闈帶廣陌，車馬暮相接。
駢裾侈高會，誰念獨守妾。
豈不思方舟，川廣不可涉。
葑菲遺下體，舉世重紅頰。
勸子且寧志，為恩孰周浹。

又贈王舍人

送美城東陌，還車望上陽。
觀闕百餘尺，蓉城鬱相望。
同在天一隅，子今旋舊疆。
經子故所居，我馬立徬徨。

其二

徬徨亦何為，悵望遠行客。
枯桑號天風，時節倏復易。
簪紱匪我榮，棄置安所惜。
願為東南風，遂附高翔翮。

其三

勁翮無羣棲，靈根豈叢蓍。
人生非苦匏，安得常相見。
動息各有因，况乃異鄉縣。
徘徊歧路側，仰視雲中鴈。

其四

鴈征會來歸，君行何日返。
驚風飄馳光，歲月忽已晚。
登山采白苓，遺我心繾綣。
上言駐頽齡，下言助餐飯。

贈劉氏

暫暫吳中娥奕奕宛清揚邂逅此堂隅瞻顧兩回翔攘
袖發皓齒列坐無高倡行雲為徘徊順風託馨香周席
莫不歎側目生流光何意芳盛年峻義明秋霜於禮誠
銷薄銀漢徒相望

其二

矯矯雲中鵠忽忽晨南翔連翩客游子駕言逝何方霜
露日夜零東路悠且長意欲從子逝我馬玄以黃徒思

諒無益欲置難遽忘愛子千金軀雙親在高堂

其三

埋輪國東門駕舟越洪洋晨發天北隅日夕至建康皇
居槩太清陵樹何蒼蒼白馬服衡輶飄颻過路旁敦交
豈獨薄貧賤多顧藏所志在寧親榮耀乃其常

其四

青陽獻嘉歲玄鳥鳴我堂遠子念行役驅車發南疆豈
不誠辛苦王事切中腸駢駢沂原薄拊劍何慨慷羣形

冒休澤朽榦揚朱芳君子法天造小人曷能臧

其五

回車太行谷結轡登羊腸羊腸何崔嵬俯視見大江大
江日東注游子悲故鄉故鄉復迢遞欲濟河無梁晨起
振我纓駕言行朔方丈夫貴榮名臨路徒離傷

贈徐陸二子

徐名縉字子容姑蘇人陸即深也

清晨思行游駕言郭西門凝霜被野陸莽莽多荆榛霖
雨不歸川四顧無行人何意歧路側悵然獲所親晤言

不須臾含意俱未申雲間富才傑具區產名珍一為時
所知光耀在青雲情交苟不劣窮顯非所論感激平生
義匪爾誰當陳

申州贈何子

翩翩雙黃鵠凌風各將去哀鳴岐路側一步一回顧何
異同心子失散在中路別君條五載我髮忽已素今逢
不須臾趨駕一何遽臨分但踟蹰道語不及故山川何
悠悠白日奄欲暮努力愛玉體慰我長思慕

寄康修撰海

晨步城西岡遙望終南岑荆棘高蔽天白曜翳以陰雞
食鸞鳳饑蛾眉讒妒深葑菲遺下體一別成飛沉出門
眺四郊莽莽悲風吟海水有可測傷哉誰諒心

其二

少陰盛霜雪崎阻鴻鴈饑荷斧入林谷日暮誰共歸林
樹窈冥冥徑路多虎羆北斗橫塞岑邵野風振悲欲往
河無梁念子忽如迷榮耀在須臾亡沒誰復知思附玄

鶴翼從子以高飛

贈王生滇南

人生如枯蓬團團隨風轉朝猶同一隅夕暮異鄉縣鳳
皇擇林遊奮翼思高飛一飛萬餘里路溢常苦饑岑巖
造青天蹊澗何萎移食尋竹實餐棲必梧桐枝德音倘
不隳慰我心所期

送姪木北上

羣鴉競時食孤鴻獨高翔丈夫四海心誰能安舊疆仗

劍辭所親策馬登前岡
歲晏霜露繁原野何茫茫
草枯禽獸饑潢潦浩以長
感吟悲蒹葭試鳴候朝陽
勗哉樹名勲念茲西頽光

送秦氏

秦名文字從
簡台州人

健足慕千里倦翮常卑安
陶子重折腰貢生乃彈冠
黃龍日南游長江浩瀾瀾
竹實匪不甘鳳孤誰為歡
故廬倚青松懸崖激鳴湍
返真謝形役庶以成盤桓

送谷氏

零雨晨微微艾葉何旒旒端居輟中憂駕言送征邁黃
河流湯湯飛雲下燕代臨汀羅觴俎赴景徒傾蓋轅馬
望路鳴僕夫整衣帶孰非金章客子也獨所愛行行樹
聲猷及此明良會

別李氏

逸禽恥淹棲良駟競先步出門有行游諸所豈得顧辭
燕戀舊壘渚鴈企高鶩情離誠有粹心期固其素匪無
便僮子新人不逮故跼蹐野飈夕分手即前路

其二

前路乃何之，迢迢夢雲澤。霖雨暮戢戢，囑子且停輓。隕
籜委川徑，潢潦浩以白。熒熒雙龍劍，佩服我所惜。水行
蛇蟲匿，陸邁虎兕辟。願言奉心懽，庶與備朝夕。

贈甯氏

野菽萎平畛，寒露一何早。凝霜一以零，蘭蕙亦衆草。美
人中夜興，憂心怒如擣。玉石誠靡別，妍華恃疇保。瑟瑟
谷中松，見者豈不寶。良無匠氏顧，歎息歲將老。

其二

白日何冥冥送子黃河陽執手無一言仰見雙雁翔處
卑心罔怡奮飛多中傷撫劍兩踟蹰低頭涕沾裳天運
有銷盈志士懷剛腸去去愛景耀離別固其常

送閔氏

怍怍困暑溽悠悠抱中戚時蟬邇戶響流汗揮復積登
高散我憂忽覩遠行客為問客者誰是我心所懌律律
佇征雲迢迢逐歸翮孰無室家念忖爾懽聚夕伊余胡

寡仇煢煢痛離析

長歌行贈房氏

捷步競先鳴
達人貴沈幾
鴻鵠翅摩天
於世常高飛
煌煌冠蓋朝
疎也乃獨歸
誰云傷秋子
而為鱸魚肥
彼哉粉榆儔
豈知千仞輝

其二

瀾瀾夏川廣
驚風夕揚波
眷言送誠歸
軒騎匣中阿
倦鳥故林趨
離獸懷前窠
君看纍纍實
豈復華其柯
皓首

聲利途攸見無乃頗

憶昔行別閻侃

憶昔少年時遨遊咸陽都邂逅塵埃裏相邀入酒壚半
酣擊劍起挾彈青門隅風蓬離本根奄忽浮雲徂聚散
良靡期晤言誰復圖濛濛零雨辰悠悠梁園途翩翩白
馬鳴藹藹朱華敷昔逢美姿顏今也白頭顱中藏難遽
宣相看但捋鬚前路浩崎嶇愛子衰暮軀

贈沈氏

辭馬鳴故羣羈人戀心知身也匪木石孰無懷與思藹
藹軒蓋途才捷競先時冥冥歸林翮爰集非無枝龍蛇
悟易訓蟋蟀感唐詩情感辰靡延把袂竟河涯贈子金
錯刀申子古別離德愛誠匪他邁君豈無期

其二

旦日子當發淹留復今宵良乏美盤餐為君品鳴簫君
如巖下松霜霽顏不消衆草苟移時化為艾與蕭聆曲
復不憚睽焉傷迢遙攜手步前庭仰面看招搖巢子潛

箕陽四岳俞唐堯願言修九苞曳佩鳴天朝

送蔡帥備真州

長飈下嚴霜波水白浩浩鷄鳴人語動趨駕恨不早出
門望原野四顧但衰草芒碭一何寥驚雁鳴寒蓼老驥
志千里烈士輕遠道臨事毋謂難為善豈在小

其二

颺舟逾長淮登陴望大江氣勢何鬱盤皇矣真我邦宮
殿槩高清鍾山變青蒼橫飈靜霜夕天塹如沸湯時平

智士拙貨賤良賈藏無言邊境勲寧居亦慨慷

其三

隕霜凋楓林澤數莽虞虞結徒策青驪行狩聊我娛左
發殪玄兕右捎什文駘插羽坐草間飲酎炙鮮腴川光
夕明滅鴈鷺風叫呼立馬千仞岡仰送浮雲徂彈劍問
所私何如李金吾

京師元夕有懷丘子蕪憶舊遊而作

名都鬱坱壘浮雲蔭孤臺宿昔與丈人攬袂凌崔嵬延

眺殊未已明月從東來俯身覽九陌車馬何誼歷朱門
競笙竽鐘鼓趣行杯詎知前代人寒隧生青苔金珠委
瓦礫鉛華安在哉沉冥日云富感激令心哀丈人方岳
裔夙質謝塵埃婚嫁慕向子幽棲放顏坏七十尚蛇蟄
白衣潛草萊嗟余糾簪紱俛仰阻沿洄逝將親逸躅榮
盛等浮灰

元夕友人見訪

春月多麗輝白雪媚其姿美哉京洛夕銀潢鬱逶迤

迤帶紫陌車馬驅以馳繁燈張四衢都人競遊嬉道者
便靜性俗夫乏遠資林塘枉冠蓋繾綣非我期金波低
宛轉明星漸離離清光苟不虧永與浮雲辭

月夜飲別徐氏

仲月玄鳥集蚯蚓蟠于廬謁從徐氏飲置酒臨中除明
月一何光衆星爛高虛中有參與商相望慙不舒人生
雖有懽詎得常相於夷猶廣庭內惻惻摻子祛哲人重
明德邁士懷離居離居諒復合行矣慎所須

贈鄭淳

路繇家室怨久別誰柰苦荏苒及春孟冰消舟莫阻臨
觴歎河邁拍景趨前侶汀曲帆易隱勞心望徒佇

贈李僉事衢

處世寡諧合營道無貞心緬邈伯牙絃歎息誰為音竊
祿匪我志隨風豈能任所以棄朱紱窮年卧空林君子
枉榮顧駟馬一何駸輕蓋蔭白日軒車匝庭陰宴晤及
春期列筵享同襟目快淑氣草耳聆悅時禽肴至弗徒

歸觴舉恨不深末路校通塞覽止無飛沉託意誠匪殊
在遠固宜欽願言附松蘿子其斷堅金

將赴江西寄別殷伊陽明府

引年豈必老求志不在奇曰余逾壯齡遭斥還山棲事
與北門合跡擬東陵齊滅音謝人徒四暑忽逮茲向平
果遺榮謝安終徇時詎意值嘉運末照及葵藜簡書下
我廬急遽誰得辭迢迢江西帆別當首夏期束裝逐流
潮改服團炎颺情鬱為念故寄重慚余卑虞絃改自調

孔鐸湮誰持江漢誠暫浮匡廬寧久羈返貞意已堅抒
懷告心知

鳶山訪汪氏因贈

昨余發弋邑急霰舞鳴湍灘高果莫泝改騎凌層山
層水復曲歲晏嵐風寒捫蘿冒嶮艱踏冰涉洄沿日入
達平夷倏覲君子闕清溪交遠圳高松夾路間遺榮靡
所希時仕義乃詮未羨焚魚高頗欽奇字傳矧伊連枝
芬慰我同心蘭綢繆促宴竿曙猿響南巒

冬日撫州贈友

晨光鬱將布時嚴氣自懍陽也諒匪力厥陰無亦甚時
極理終固情成勢難寢徒然江漢紀莫制北飈凜寒湍
落孔家霜色峻石廩甘菊冬始華赤樹紛如錦校閱纒
及旬勞拙遺安枕既已阻攜玩胡由接芳衽擬峴行共
陟寄言備醇飲

空同集卷十一

欽定四庫全書薈要卷一萬六千九百三

集部

空同集卷十二

明 李夢陽 撰

五言古四

贈四子

絲絲遠道積冉冉歲華晏
冰霜夕轉嚴星斗夜仍爛
蘭缸照寒戶旅士懷鄉縣
方幸厠鱗鬪詎謂各分散
岐路忽在茲山川復悠緬
王子萬人特英論薄烟漢
康生千

里足邁景速流電瑰瑋欽奉常秀朗推中翰冲標汎光
蕙逸思凌玄雁所嗟異根株逝矣悲霜霰每言念睽晤
佳期阻驩宴

九子詠九首

九子者皆天下賢豪人今乃合余於孟氏之堂祖
行也慕義傷離悵然有感於前遊作九子詠

劉戶部遠夫

大謨

遠夫振英駕乃自儀封里孟復既鷹奮秉衡亦颺起獻

賦擬揚雄彈鋏笑馮子時異各睽隔蓬轉自茲始

王戶部邃伯

繼

矯矯王邃伯深心託玄素豈謂萬里空見此天馬步獨
行迂流議苦志涉煩務曰余駑鈍姿倘辱導前路

王職方錦夫

尚綱

職方昔垂髫邂逅在梁汝遊關匪豹隱攀邵遂鷹者翮
詞振宛洛一一中音呂訪戴諒不惜縱臆非所許

穆檢討伯潛

孔暉

清廟播芳歎朱鷺激潛調沉冥會詮理刻苦光逾耀注
易在今茲醴酒企餘照載吟古離詠蹇拙慚賡紹

馬給事中敬臣

御

敬臣閨闈彥處世恒自拘朝謁金馬門暮向青瑣趨朝
隱慕方朔修辭劇相如太阿不在掌非君獨嗟吁

陶行人良伯

驥

陶子三泖英少小富篇翰至響本無聲隱璞疇能辨連
甃不云苦漉酒聊自玩解龜幸心許傾蓋荷清讌

馬進士君卿錄

君卿素所昧密意宛相向醉酒似馬周讀書簿劉向時
人固不識古志益骯髒試覩同遊子硯礪盡英行

戴進士仲鷗冠

南州實才窟小戴亦橫鶩探鏤乃叨竊對孔豈在屢左
右佩采齊追趨信陽步傾城在夙昔贈我陸機賦

孟行人望之洋

孟生瑚璉器英邁徵古篇登泰夙所期望洋豈徒然欽

趨瞠顏後抗志恥盧先吾方把任釣倘借襄陽鱗

贈姚員外

高鳥厭羣飛孤雲恒自輝綢繆誠靡乖何必久要期傾
蓋有芳訊白首則見疑嶄嶄龍沙濱風波暫徘徊

其二

零濛不澤物衝風夕曾波送歸念維楫眇言望江河鴻
逝摩九天蕭艾被泉阿長濤蝕孤嶼峙此將如何

別諸生漢口

大江流浩浩五日與子期風潮變旦暮六日達漢湄人
心重攸愛酬德視其施伊茲匪不辛所急非睽離晨颺
望我帆夕也宿共涯浮月每皓皓逆雲遞逶迤情淵分
有窮愴子當分乖昔為同池萍今向東西開大別峙崔
嵬林蟬暮何哀俛首前逝波倚艫各徘徊

贈張含

已嚴蓬池駕遽返夷門歇商風動榮草簷雨鳴不絕客
病良易積况值變華節悠悠城西館修爾雙經月昔至

體流汗莎雞傍戶聒子也苟寧志川廣豈難越

其二

流光逝忽忽天地一何軋六月子來至月也今已八客
子悲遠道時氣侵肅殺豈不念爾單室邇泥路滑三日
兩賡歌一日一通札寂軒倚衰柳奈此夕鳴蜚父母不
下堂歸軫何時轄

送張含還金齒

百憂強自排感之輒復積亦知別心苦所奈懽愛客迢

迢西南夷歎子此行役出雲懷舊山倦鳥厲歸翮時情
苟靡遭勉合亮奚益還道尚云遠去去加飡食

酬提學陝西朱君以巡歷諸什見寄

煌煌百二宅懷里念前都孰無雍門哀恨役久長途登
賦時有望所苦言辭麤自蒙新什惠披玩忘晨晡疏越
發潛響爛若湍錦舒慙亦作者末欲畫安我愚瀏瀏回
中吟宛遊秦隴隅清渭韻泱泱南山筆巍如誰云篇目
寡已包千里餘讀既搖我心倘附西飛鳧

襄陽篇奉寄同知李公

晨登大梁城南望襄陽郭漢流趨何急樊山氣參錯樹
高風來集道大惟淹泊投沙理雖迫召賈恩非薄幸且
便山郡聊遊謝羈縛仰攀躡孤岫俯眺聆大壑寒江斂
夕霽遠巖映林薄習池宴山簡英寮敞翠幙偶同攜葛
彊飛翰凌觴酌歸聞銅鞮唱行和峴山作覽跡驗物理
觸歎徒今昨沉憂亮無益流坎任所託

送裴生京師

大江積風雨，驕陰久。我仇懷役念，戈及潢潦憂。中疇戚戚感，物慮況子行。遠遊鬱哉朝，宗心殷勤眺。風洲

內弟玉園莊歸

逾年始及村，日入復言歸。言歸亦何為，景異情難持。沙禽噉噉鳴，園林收暮霏。暮霏轉急湍，春草碧漫漫。我行已逾堤，我心念猶攢。志往物不隔，室遠詎無端。誠乏靜者慮，郊野豈徒安。

送張六還京口

雲黃風色歇送子逾脩畛野風吹江樹波水清且緊歸
舟本自驚況值順流穩金山會當聚別暫情可忍

自南康往廣信完卷述懷十首

越旬不出門所值疑初覲長湖迄華岳融景遞澄秀鼓
柁聿行邁覽物每欣邁飄飄順帆風逶遲斂雲晝鳴鶴
矯豐田文魚駛閑溜有生孰靡適時及異榮疚彼哉吾
豈仇乘運視所受履茲良已快迺餘足云究

其二

迅風會高雲逝逝曷能已朝聳冠劍馳夕暮遭纒繫榮
辱邈何因嘒嘒昧成理湖程莽復闊灘溜于春駛肅肅
東驚帆晨夜不得止仰睇啼柯猿俛傷躍清鯉一言季
布召斥以一言毀從古誰靡然寄語求全子

其三

金閣簡英儒玉書託紀綱絲言一何諄黜佞掄圭璋澄
清有夙愆攬轡誠慨慷聿茲歷三始矢志千載芳風波
駭非意多口亂否臧九閭眇以玄欲扣六翮傷所司專

愛憎威刑喪厥常彼方聳輕蓋寧知嗟道傍

其四

淵雲諒殊性予豈經世儔馳驅二十祀學宦寡諧謀昔
斥還三河誓言永林丘靡堅今咎誰畜志竟莫酬在難
歸貽阻眇焉悔前修陟崇望波嶺翔雲駭西流春羽振
桑榆念之心形仇東徂歎伊始懷哉俾無尤

其五

朝離傍羅浦東至龍潭宿戢柵候明發獨寤守空曲宵

晝有常理欲往不獲速多慮良攪眠強置復攢觸起立
萬動寂湍響應鳴谷驚風臨岸激高月散春木絮雲吐
岑岫玉繩低以屬慨哉復奚道徘徊至天旭

其六

一氣噫太虛吹萬良不同伊余就幽役春序奄已中芳
辰下霜電寒暄乖故風北柯沮靡榮尚林曷由豐臨門
翳孤松悠悠慨初終張儀相六廷虞氏哭途窮首陽乏
長薇洛都鞍馬雄天定俟何時詠言摧深衷

其七

雲和易成霖義陽一何冥淹哉沮洳區佳日閉我扃覆
瓦僅蔽牀頽壁支數櫺淒飈驚中帷電霰時復零天道
有常乖萬殊誰竟寧子期久已徂縱陳孰為聽當道有
豺狼瑣言訾螟蛉習坎固終利從茲儆無形

其八

靜居百慮屏孤樹迺墻隅奄茲華葉更搔首睇淹如時
雲布靈谷天令震高衢霖潦灌百川萬壑寡安魚東京

構黨禍郭子逝于于伊匪三顧勤孰岨南陽盧涼燠非
力排表葛從所須龍蛇翳厥身孔贊寧我諛

其九

赦者小人幸臣誠小人儕匪圖軒蓋榮山海有奇懷禮
法無復拘評者靡我排思夙慕華貴振鞅登要達烜赫
豈不快寤寐憂所乖識幾既不早今戀非鄙哉乘桴越
洋濤采蘭及春滋于焉可佳客龐叟心所期

其十

一夕復一辰倏忽春務易雲葉布豐林蚯蚓盤我壁田
實仇片言厥怒一何赫笑謔有白刃千載乃露跡倦茲
掩陳記出戶睇高翮積譴聆民謠欲采不可譯英驂振
飛鞞出入勢輝奕哀哉彼何子躊躇祗沾臆

廣獄成還南昌侯了十首

一淹經六旬揚舲復焉極脫然雖靡由事事嘉可即依
依春功奏朗朗維夏逼故茲波與嶺觸目異前昔逸雲
散歸雨川水浩崩溢挂帆赴風溜覽岍湊悲懌昨猶置

中兔今為頽林翼邈言念先古展矣我心獲

其二

直木防見伐茲言豈我欺若華耀四海孤邈疇見知莊
鷗運池溟舉翼九天垂風積苟不厚中路將安期歎息
竟何語俛視川波馳溢霖鷺洪濤千載固厥時燕石一
何珍有驥不自持野飈激靈襟逝言惋長歧

其三

時至鮮枯林朱蘭被長坂臨嶠覲賢跡停楫暫遊行靈

雨吐葛花柏葉已復展佳哉溪上邑流峙亘而緬岑岑
徐巖秀飛泉洒丹巘巖亭交景風裾帶時自卷居高乃
慮孤沙歷悟攸遺枚枚三陸宮千秋竟茲顯

其四

餘干濱巨湖厥土曠以浮津驛暮何囂避之泊南丘遣
子省其母析權詣江州明星波洄洄欲發仍復留有端
肇絲微涓涓遂成流拊心實罔慚患來誰誠謀紛綸及
今茲事已遙尚憂志士常苦貧飢渴無我尤

其五

昔遊東山日覽古肇新宮徐令實經營絃誦溢其中閱
茲奄三年離滯心莫同我舟非不維奈此西逝風乃子
胡德余于邁遠從公朝旦發龍津暮棲依瑞洪湖山沒
如拳波途浩難窮佇瞻有深懷貽謠勒堅崇

其六

夕棲瑞洪渚遙覽渚北山相傳洪崖子乘雲自此間履
跡今尚存其人邈莫攀粵余登征途頻年涉間關毀譽

一嬰心寤言多所歎於茲誠跼蹐振衣躡前巒洛水莽
浩浩驚風蕩回川欲濟惜無梁颺輪儻中還

其七

登艫倏五日覽接漸增闊洶洶北注川瀏瀏得縱壑劇
哉風水慮履順故靡豁高鳥厭塵集智士貴處末交甫
懷漢濱婉孌情遽奪結駟匪不侈險至誰竟過沉身厥
亦罕萬世惜不脫遙遙哀雲岑瑤草爛孰掇

其八

明晦每無常人道豈不然歸雲徂靡餘日華耀清漣戚
愉繫為誰喟然想千年姑蘇寵宰嚭越孤辭會山梅將
輔番君范子逝不還乖歲君子貧枉尋矜太賢時霖潤
萬物猶蕙乃同妍東門可棲遲歸歟聿奚言

其九

陽鳥逝無餘覲者鶯與鳧青青澤澈毛刈之糞誰畚經
過問當年云茲夙屬吳歸命喪厥儀長雲奄西徂撫牀
竟空言金陵乃以都桓侯威八州溫氏闡雄圖聆言愴

我衷徬徨感終初混一今其時舟騁非爾虞

其十

仲冬別豫章涉夏茲復臨涼燠殊厥時能不摧我襟樓
觀蔽泰清衆木淒以陰倚橈陟龍沙優游眺洪深魚鼈
潰驚流瀾駭遂至今中有夙縱鳧振翼回哀吟波阻杳
莫即馳景忽西沉抗手自茲辭萬世懷飄音

內弟左國玉挽歌

滔滔水東逝靡靡日西馳日馳雖更晨水逝無還期清

醕滿華尊鳴琴在旁茲門堂不改故若人竟何之天枉
獨兼今凝澄宛若斯二紀罔自保千秋寧詎知情慟道
與結感往志彌悲皇皇徂暑月捐我就郊岐故築即新
墳廣路席前基狐兔夕向啼芳麻延碧滋解缺心已許
回轅痛豈欺永測游魂理徒此眩盈虧

改營外舅大夫園域

貴賤無二死賢愚同一丘明公昔謝世跡駭理夷猶夷
猶及茲年墓木拱已稠志決物可贊運旋情更酬悽悽

臨壙穴崩迫覽陰幽昔為美丈夫今與腐者儔枯骨蔓
草纏劍珮攢虬蟄痛沉祗愈迷神明竟何遊名崇壽罔
積露隕蕙先秋芳塵滿華屋故馬咆行輶改園僅逾阡
穿地即我謀方期粉櫝成庶紆生者憂為惟國士遇因
慟遂成謳

熊御史卓墓感述

幽幽山下江峩峩山上松纍纍松下墓瑟瑟松上風慨
昔與君遊並遊京華中峩冠省臺內鳴鑿趨步同中更

歎莫偕永逝當何逢絕絃已易慘挂劍今誰從駕舟亂
回洋展墓臨高崇浮雲駭南流顧望摧我衷德音既長
已情感胡由通祇餘泣麟意悲歌傷命窮

徐子墓

晨興駕我車行行造古墓墓門一何寥踟躕久延顧陌
阡脩且直青松夾中路借問葬者誰漢時徐孺子麟出
諒不偶龍潛竟何以峩峩東都會藹藹青雲士一鳴爭
及時邁跡歆先軌冠蓋紛若雲車馬闐京里鳴玉氣自

振排闥情難已
鴻鐘有競勳
大策無停紀
斯人獨岑寂
哀歎勞心理

溫太真墓

雙鸞識妖端
一馬前休兆
中原既板蕩
臣主同奔峭
長蛇恣吞噬
白日掩孤曜
心違祖逖楫
事蹟扶風嘯
康屯見斯人
辱已存機要
建侯竟誰功
江介無飛旄
勳成身乃殂
夫逝徒心悼
側惟盈縮理
虛咎燃犀照
遺墳闕清
千古樹寒新
廟來阡莽迴
鬱弭節紛延
眺載瞻徐墓
邈

益壯風流紹

澹臺滅明墓

子游昔宰邑邑有澹臺公非公不見宰不徑垂無窮身
歿埋豫章豫章乃城中長松何寥寥石墓堅且崇崩館
晝常陰古樹多悲風丸丸擁基藤垂垂網戶蟲喧寂本
異感慨惋當何同道伸固難滅瞻睇搖晴虹

孺子墓夏謁

懷賢意實勤展謁良已屢丰茸蔓草盛間闕夏禽哺野

斂延竹戶丹華綴高樹徘徊想故榻流連果誰遇

孔廟松

夫子廟前松童童一青蓋盤拏若蒼龍借問自何代靈
籟度笙竽古色積烟黛峩然森翠中鬱彼風雲會絕勝
講壇杏應並闕里檜

犬詩

警夜力不贍逐兔非所任吠花春院閑戲草日移陰家
貧稱戀主時乖豎始心

其二

吠尫聞昔詠走盧欽故名遊園方載獫重鉤寧自行發
蹤難可遇霑草空含情

詠信州茗和鄭子

厥草有佳種靈味固無匹豐內謝華幹卑叢類謙抑陽
和散林彩脩脩吐英特濯影金屑泉敷芬玉巖側完馨
重伊始溥露浥其色采掇屈柔腕製之成我德三緘附
貢品遂辱君子食入鼎沸銀浪隨風可傾國滌煩古有

經通仙詎堪惑

詠鷺


天風下厲霜海色清嚴冬朱鳥逝云遠玄禽眇焉蹤翩
翩委波羽鳴飛何雍雍去若雪球散來疑玉梭從回旋
淥蒲漪映照青蓮峯戲滓不染潔浴湜轉丰茸羣起若
避驚孤立如有慵孔言崇九思周歌羨斯容我客亮多
憚君子良沖融亦應懼鳧鴈幸少寬鰓鱗保爾貞素姿
倘附春濤龍

白霧樹累累作花

不作江南客空登河上臺夢中到孤山笛裏落寒梅今
朝走白霧萬枝參差開紫宮散花女騎龍下瑤陔惚惚
弄珠人玉塵生羅襪歲蕤復颺杳光采半明滅朝陽勿
遽晞留之慰超忽



空同集卷十二



總校官庶吉士臣侍朝

校對官編修臣閔惇大

騰錄舉人臣嚴儀

欽定四庫全書薈要

集部

空同集卷十五

三五

詳校官候補通政司經歷臣郭祚熾



欽定四庫全書薈要卷一萬六千九百四

集部

空同集卷十三

明 李夢陽 撰

五言古五

渡漢

好游良有殫今朝竟言歸
洶洶舟下濤亂之將疇依異
途各為趨同木相隨飛
遙觀千仞禽誰復瞻其輝

其二

萬事雖貴豫數極誰竟猷竭來彈我劍且復三河游迤
東望濠梁慨言懷莊周黃鳥孰興篇粉榆迺見尤

其三

於心懷佳山背之每自顧相逢鮮久要那得不念故塞
翁罔憂馬馬歸人始悟遊女非召南千年沒貞素

其四

霖雨濡我軌寒潦何滔滔墳畝峻徒悲漢流怒洪濤思
美歎晨夕欲濟難容舠限隔豈固遯跼蹶為誰忉

其五

閑登古樊城，回望峴首山。
鷓鴣雀躍寒，蓬疇念朱岑。
翰小人競錐，刀羊子迺探。
環智愚固生性，融晦靡我歎。

余懷百門山水尚矣，頗有移家之志。方春氣熙，忻焉獨往。述情遣抱，四詠遂成。示同好數子。

魯連蹈東海，介子逃西山。
方舟信超越，巖徑安可攀。
揚烈猶靡懲，置金徒嗟歎。
伊余秉拙訥，薄遊及茲年。
急湍有奔桴，迫路無停轅。
慘慘滄流月，悽悽沙塞烟。
徒欽靜

者意未遂同袍言偶耕慕龐公巖棲景焦先捫衷諒有
持顧己竟誰諉復來感方寂解作憂更牽抑心二十載
始別金門還積疴謝人徒頗與踈遯便眷茲丘園榮豈
羨長苗篇

其二

浮海傷固窮逾河歎誠邁濯纓萬里流高視九州外功
成奔運徂氣至流飈代淒淒秋柯零冉冉春條媚周覽
倦河孺孤悰冀巖瀨道以沉寂超賞與崇深會豈惟超

遠情亦因謝塵籟聿想山中人
風吹女蘿帶折麻凌險
岫采秀越森蒼眷彌志終申
獨往竟誰礙崢嶸太行峯
堯堯百門對抗手別故懽乘雲
弄烟澗

其三

閱圖訪名奇久欽蘇門山危峯
羅縣牖積石噴鳴泉情
吟激衛女嘉遯招古賢出遊結
夢想神往理誰詮連巖
既鬱紆迴渚復繇芊猿吟曙霏
豁鴈泊暝陰還杖策躡
丰茸解裾濯潺湲仰視遊雲
翮俯察戲藻鮮覽物慨幽

存撫化懷冥筮況逢春華交更此眺孤烟畢婚非達士
一嘯復何言

其四

山客戒明發朋故來攀留巖潭窈叵測險徑增離憂曰
余負幽僻誦古歌遠遊陟懷康樂屐浮羨鷗夷舟探討
傾子長浪迹多阮侯若人不可作瑤草竟何酬事往悲
易深情存道難侔以此激孤詠喟焉睇滄洲安波有覆
艦坦路無全輶危虞豈在嶮薄劣終見尤願附綠蘿緣

永與棲者儔

自大過渡河趨陂沙岡

凌春遠行邁游目恣沿越漸辨林中曙遽失崖上月觸
物誰為情悲歎曷可歇載登隋疆場況眺宋城闕陽坡
散初柳陰曲峙寒雪只此判氣候豈必殊燕粵滔滔濁
河駛粲粲晨風發揚帆截驚瀨倚棹望窮髮鳧雁眇難
即汀蘭翠堪結美人既莫期天路復幽絕陂岡鬱參錯
岸沙皓明滅日暮孤雲興何以慰忡悒

陽武詠懷陳平張良遂及博浪之事

玉璽戒不力金鏡淪無光
大人既龍興烈夫亦鷹揚
伊人各乘時矯若孤雲翔
韓椎豈在屢秦氣日以喪
六奇佐揮戈五運開靈昌
時來屠沽奮跡往英雄傷
平生冀風期況乃逾故疆
灑淚越脩垌含淒遡河梁
古墳密嶠曉春沙鬱茫茫
徒瞻松柏路詎申椒蕙芳
遺榮竟何尤任智終自戕
羨彼赤松遊援筆即此章

覽遊百泉乃遂登麓眺望二首

東髮懷幽奇覽籍冀有遇來登百門泉果協佳勝趣
恣圓波踊藹藹浮陽聚止坎潄泓洌激石迅湍注昔聞
滄浪濯今解川上喻豈惟傷衛歌兼以發蒙慮況值春
序中羣物已改故菰蒲冒清深鱗介各有慕行羨浴渚
鳧靜對栖雲鷺巖霏空潭影林藹變朝暮極目北上帆
朝宗感游寓

其二

發鞍憩林木杖策陟陁陁峴巖連嶺參錯洲曲岸迴轉白

日麗蘭薄原綠靜如洗嘯臺既清峻行窩更幽緬慨念
昔時人瞻望淚已泣薜荔夕搖曳蘿徑復誰踐碑版半
磨滅石門積苔蘚代異道豈隔事邁迹空顯獨采石門
秀眷此何由展逝鵲無卑音潛虬厭汙淺曠哉古今意
難與世人辯

登大梁故城

登高與處卑由來慮多端登高尚寡悰處卑焉能懼以
茲歷荆榛褰衣躡巖岫土壕帶陰風樓櫓危急湍巖岫

苦崩奔葭葦何漫漫周望鮮故物俯察多憂歎潛魚葦
其鱗驚鳥無停翰雲浮誠不任淵沉諒何難終附巖穴
棲斯地非我安

德安趨潯陽

始征晨風息雲流日色展登陸艱且澁厲澗一何緬維
時仲秋交颯颯林飈卷綠竹垂我車丹花映行幃冒巖
雜有松繡石盡成蘚攀蹇雖多悅亘頓乃勞倦日中迫
廬嶽蹊徑愈回蹇雲湧連遙寧雨暗失近巘奔崩萬壑

會嶽絕一徑轉遽訝川梁沒幸遇石瀨淺道以習坎利
用待既濟顯介石諒益固巨川豈遂眩誰哉能豫謀隨
寓斯可遣

宿圓通寺

曉發蒲亭邑暮投石耳峯僕夫困霑濡山雨猶響松茲
壑況深阻顧望惟溟濛幽巖託層房豁然臨猴江竹脩
芑北基巖峭垂南牕俯觀裊戶蘿仰聆走簷淙挹此暫
足遣逖想情難降陶公有遺墳黃子留孤蹤通止良固

殊羈縛誰為棕坐聞吟猿暝祇令歸思忡

釣臺亭成

颯颯風澗瀉纍纍山石峻卜構倚岑削簷楹闕奔迅俯
之纔一壑仰面已千仞訝游竟日夕載色掖英俊故杉
改新蔭魴鯉況充牣本輕任公釣詎慕庖丁刃素臄裊
延蔓商氣斂芳潤臨深悟邃奧覩逝識大順却笑矜名
子羨魚一何吝

卧龍潭

出遊青天礪遂至卧龍潭重岑上無極白日蔽寒嵐
峭詎能步嶮絕誰可探歷石誠巍倨捫壑驚砢砢我行
值秋季霜藟搖匡南午攀日忽夕足倦情逾酣雷瀑響
巖澗孤花媚澄涵撫似悟命意循跡想名庵庵廢人蹤
絕巖剝文半滅世異坦道塞慨茲忍能說

始至白鹿洞

曠哉超世志緬邈平生思鬱壹眷名跡久注匡山陞南
涉枉嘉命果諧夙所期仲秋巖壑清宮館復在茲白石

激寒湍巖蘿裊空基黯傷逝者往密慚來者追性同道
豈隔途異理空悲興言懷昔賢日竟眺前歧榛荒徒鬱
紆林崦一何采感情匪哀歎聊詠昭言垂

白鹿洞徧覽名跡

情高忽凌厲步健輕巉緬葛弱亦須捫崖滑每獨踐涉
清愛重屢探阻遺驚眩始茲陟五峯遂憩松下巘巖桂
紛始華石耳翠可卷追想白鹿跡伊人竟何遣觸端緒
自縈薜荔沉在眼慨歎意莫置顧望日已晚夕湖浴岑

峭流光滅蘭坂命酒寫幽獨鳴琴且游行

陟嶠

伊昔謝銜歸志頗諧綸釣甘追河上跡切慕蓬池嘯孰
知紫芝慮竟荷青雲耀值秋歷江郡弭節登廬嶠沈深
九疊秀峻極千峯峭錦繡亂岑岬晨夕改觀眺晶晶游
氣斂皜皜寒日曜飛瀑信雷邁奔峽還龍跳躡遊遽忘
歸久住輕時謂天池絕亦捫石鏡板可照矧茲二三子
芬馥含清妙霜嵐澄西夕從歌倣希調

廬山秋夕

山壑寒氣早日夕風色緊火流桂將歇霜至蕙草墮
蟋蟀集澗館禾委被疆畛感物憂自攢排遣情詎忍年徂
身與衰時棄世所哂躄躄夜不寐起坐萬念軫崖傾月
西流嶂曙松猶隱噉噉露猿啼行行采芳菌

落星石

千江勢欲倒蠡門支孤嶼輝輝雲崖映洶洶湍瀨挂霜
水落丈餘石角露齟齬探奇犯嶮涉停旄挈賢侶寒裳

入松寺倚竹望風渚崩奔亂帆下蔽曳波鳥舉秋空澹
明澄浮山互吞吐靈根合道蘊曠蕩豁褊阻貞靡亞砥
柱險可並灑瀕不聞永嘉勝祇因謝公許

泛左蠡

辭山意不悅水泛暫可樂微風逗帆席日鏡展光耀揚
歌蕩溟昧鼓柁極窈窕指顧異晨暮俯仰改觀眺出沒
湖中山明滅海上嶠素輕左蠡險今覲石壁峭謝屐久
已蕪陶磯寂誰釣解吟松門詠令人發悲嘯

騎登謝址復舟觀於石壁

奮鵠有奇翰古鐸無追響游雲跡易滅鳴世情難想昔
吟瞻眺詠今覲湖中賞松門既岑峙川水深以廣昏旦
候自變伊人竟焉往巖劍徒空嵌堂基鞠為莽扉徑不
可識悲愉異今曩石壁屹寒岸葛崖嘯颺颺攬馭意已
極登舟祇彌惘抱茲久延佇遵渚路回枉

南巖寺

巖高屯屋巨谷邃至跡罕仰之訝天缺登頓徒雲滿木

零鷲巢露松冷猿嘯緩一滴聆不厭五級裊可踐

赴懷玉山作

始臨清溪寺不謂茲路艱崎嶇踰南嶺轉見山鬱盤重
陰起北谷凍雨響前巒志定邁孰禦勇往竟孤攀挽葛
接懸狖架木凌飛湍律律巖壑變颯颯嵐嵐風寒隔港望
絕岫亭亭已雲端

至懷玉山會起書院

冒險登雲峯雲湧風不卷淒淒松霰響濡濡竹露泣沾

塗意已困覩構色頗展故堂改顏制新築負幽巖伐材
但旁谷礮石況非遠清渠激脩溜巔畝曠以衍偶至若
期遇天定固良鮮仰止古有訓靜成力可挽祗虞遊業
子捷徑為世莞

薛家樓宴

閑遊北城隅俯視清江郭洪川帶名都形勢自相錯樓
觀藹鬱鬱街巷紛以漠北城良已高況陟城上閣輕裳
拂倒景飛檻聆天樂夕山一何蒼夏潦彌井絡衝風激

回流玄雲駭難泊暗觀逝者危遂悟居者樂慷慨亮易
感捫心果誰惡夷險非我為彈劍且盡酌

曲江亭閣

在豐城縣

纜舟金華潭遂陟岡上閣蹊徑阻紆鬱巖水光參錯夏
林一何清餘雨浙未落高覽景自異況值晚霽廓夕日
明錦湍歸雲擁華薄近山聿蒼翠遠嶺復岑峩曠蕩感
遇寓俛仰歎今昨不見往者悲祇覲來者樂顧瞻大江
流愈恨代謝速源湧竟誰禦謙守諒能曲所貴遺榮名

觀義願有勛

發豐城屬江漲風便

午晴發豐邑挂席遡脩瀨
潮起果諧志風助利擊汰
棹歌落日上滿目波嶠外
巨川信易涉貞固乃宜戒

武陽抵進賢

大宇流玄化生情互陰朗
積霖夜猶注寒陽朝遽上
肅晦色斂晶晶川水廣楓
林一何赤沙嶼鴻競往涉
河歷紆鬱登嶺暫停鞅撫
江信縈帶鍾陵氣弘敞荆
俗雜

澆厚徵賦則邦壤佩刀豈民性剪戮歎幽枉

至後上方寺酒集

久陰晦昏氛我行值嘉明白日展冬耀雪霽松林清景
異賞貴延朋集杯難停入筵午未端歸騎夕已冥衝風
振巖廊鈴索抗高鳴塔虛響先奔珠圓光易傾超物慮
可澹遺榮累果輕久枉証詮理一悟得所徵

上巳海印寺二首

勞生苦役役況乃值溫陽林園有嘉榮蹊渚生柔芳乘

蘭迹已陳袂襖難獨忘
駕言適蓮宇迂紆陟虹梁
我宮延暮色陂樹藹青蒼
詎知幽勝區占茲佳麗鄉
居然心境寂彌增塵路傷

其二

眺遠及麗辰登危開我襟
秉炬躡佛榭杳杳夕光侵
芳湖逋澄鮮幽隍覆層陰
畢景沒長甸輕霏變春岑
仰矚雙龍闕却瞻上苑林
歸翼矯以翔鴻雁多哀音
蒼蔚桃李場孰分松柏森

秋日重過上方寺

居閑懷行游觸景慨時速昨來春華敷秋草倏已綠弱
蘋布霜連叢蘭委寒陸纍果媚西陽漂籜滿空曲物遇
信絲曠情移乃躑躅夷猶步前庭迤邐陟曾麓夕風一
何厲行雲結相逐鐸音抗高聽塔影駭流矚聿非封侯
骨虛疑燕頤肉飛纓靡不榮芒屨諒應足寄謝世上人
吾久脫羈束

春遊篇

東氣散廣陌北杓指青阪美人惜春陽鳴鑣事遨遊
遊覽萬物紆遲駐道周京邑藹九衢合沓喧輪騶黃鳥
集于林碧草生御溝御溝多垂楊芳樹夾朱樓卑崇冒
休澤鬱哉帝王州

其二

朝遊東市陌暮出北城衢夕林何嶽岑華月耀西隅宵
征沂皇垣迴策遵玄湖春冰日以薄鳧鴈聚喧呼逶迤
浦溆貫金剎據中區前有三石梁宛若垂虹紆却顧雲

中觀翳翳蔽松楸

春日洪法寺後岡

暄陽入廣墟平阡暖烟蕪稅鞅尋高禪陟丘眺神都白
日麗中衢青霏藹林岨碧草一何萋叢葩亦已敷纍纍
誰氏墳嶮崿三浮圖鑿石錮九泉雄構耀城隅輿臺盜
綺衣苔蘚封丹樞矯首視天宇剡剡浮雲徂崇名古所
欽多藏祗區區

空同集卷十三

欽定四庫全書薈要卷一萬六千九百五

集部

空同集卷十四

明 李夢陽 撰

五言古六

雜詩六首

燿燿雲中電流光西北馳僕夫夙嚴駕吾欲遠遊之出
門履微霜四顧何茫茫豺狼當路達鴟鴞薄雲翔改轍
理方舟欲逝川無梁俛仰歲將宴愴惻涕沾裳

其二

西國有佳人獨立青雲端容豔若桃李左右佩芳蘭含
思理玉琴泠泠一何閒更節有餘悲曲終再三歎借問
歎者誰中意難自宣沈吟攬衣帶仰視鳴鶴翻思阻望
不申何況隔丘山

其三

稅榷蝕以傾梁棟誠獨難流言播四國周公有疑患涼
飈激頽景奄忽不可攀衆羽日續紘朱鳥戢其翰殺身

苟無益去去從所安傷哉式微詩千載起余歎

其四

明月照我懷耿耿殊未已霜雪委如山悲風中夜起攬
衣仰天歎涕隕不可止卞生抱荆玉捐軀剖終始青蠅
倏來集白黑反在此城闕屹九重浮雲日千里我欲竟
此曲此曲悲且苦

其五

淒霜變為電二氣斂而藏天道有代謝人謀豈恒臧北

杓酌元化亭亭自低昂上帝棲紫宮衆緯錯以行謂山
蓋高有梯可陟謂淵蓋深有舟可涉自非雙黃鵠天路
安可躡

其六

茅以韜為席柏以勁為薪君子憂治世愚者幸不辰張
置以待兔雉也留其身物理雖云殊罹脫各有因浮沙
卷奔藿朔吹揚驚塵日暮臨大道悵望曷能陳

雜詩三十二首

英雄樹大業奮志常慨慷捐身赴國仇效命爭戰場明
甲耀皎日挽弩千石強矢石下如蝟殺聲如沸湯被刺
目不逃阡危氣益昂雄名輝冊府生死固其常

其二

大司肅制度鴻儒振英儀生殺原異門為猷視厥施
冠巍堂上巧笑美容姿狐心生暗鬼耳聞佯不知膏梁
媚妻妾無賴充王師白刃起如林狗馬用羈縻榮達信
有命歎息將奚為

其三

共工觸山折夸父去無還
媧氏懷憂傷鍊石思造天妖
姬鼓哀瑟嬉戲玉臺間
草昧怨無侯哲者中自煎
小鳥填巨海蘆灰遏洪川
力誠有不及心情長可憐

其四

昔余曳鳴珮謁帝扣天閭
聖人垂袞衣賡歌庶事康
鼎成不我顧奄忽驅龍翔
生死變化理反覆開存亡
榮華有銷落連茹切微霜
晨朝在須臾返車棲扶桑

其五

命駕將何之意欲快我心蠻方亂如麻匈奴寇榆林揮
劍誓俱亡彼軍忽如沈豈為尺寸勲國仇怒至今崑崙
貢織皮鴟鴞懷好音功高固不賞讒妒來相尋哀哉險
側子傾詞誰見欽

其六

大道竟焉陳末運忤相欺讒疑進貝錦交亂令心悲鴟
鴞翔茂林烏鵲遊下枝人情有偏好觸意生乖離長門

緒清吟魚肉怨新詩玉分石見仇咄嗟當語誰

其七

遨遊寫憤懣駕言凌洪濤洪濤非我遊改馬登山椒朔
風一來至林谷何蕭蕭鬼怪時以興雲逝誰能招禽鳥
相聚鳴原獸復晨號置此勿徒苦乘雲可宏翱

其八

有行東園椒結實何累累條遠敷不易斧者見行摧燕
雀本小鳥志欲冲天飛哀哉不自諒失路將安歸

其九

悲風厲歲晏宵旦未云已
寒冬雨雪至江漢驕南紀
臨堂翳孤松杳杳歎成理
涼潦不溢澤時鴈鳴高起
一飛摩青天倏忽乃萬里
訊言蓬蒿士沓沓竟何以

其十

晨出進賢門南向望東鄉
清川激崇岑彌野何茫茫
白骨臨四隅羣鳥噪枯桑
闔門已殺戮鷓鴣復來翔
日昃時易暝漏網頓天綱
思此愁我心還車眺河梁
玄鶴斬

高鳴於世常激昂一逝聲影滅誰哉見孤頑

其十一

登山望四海日夕忽至沈俯身眺城郭
痲然沾我襟交路夾芳蘭逝駟何駸駸
朱樹藹閒榭竒巧媚荒淫北里進異舞
高唐呈妙音織羅振芬芳朝雲遞嘉吟
不見秋至草零落愁春心

其十二

兀然坐空堂戚戚恒竊悲曠世懷一鳴
燕雀翻見欺惡

名收范文致詆朱熹身親罔自明萬世余焉知霜露
隕華草顛顛今其時百年俟論定恃此良可嗤

其十三

倚閭遲佳人日莫期不來拂衣舍之去去上延秋臺旗
旌蔽原坂鼓角鳴且哀黃鵠翔不下腐鼠鴟見猜壯士
憤國難撫劍但徘徊白日倏西傾愴惋肝肺摧

其十四

灼灼綴枝華榮豔一何好朝陽溢其葩餘光照寒槁冠

蓋沓衢路致身競先早磬折名譽場銷鑠成醜老一夕
不復晨隕落隨秋草逍遙可竟世繁華詎足保

其十五

陽回杳無朕朔風振江郊翩翩者何禽銜枯創新巢長
短有成理環也特其遭窮者非盡愚顯豈皆賢豪羲陽
奄西馳今夕明復朝如何途路子得意恒自驕

其十六

無榮亦無辱倚伏還相隨韓侯歎良弓寧復歆昔時華

春敷明陽各艷容與姿孤松秀巖冬歷世誰可期照耀
東門瓜前貴今豈知較計毀譽間無乃賢達卑

其十七

昔有玩世士乃處匡山阿其人久已冥春林發烟蘿故
址栗里旁見者不忍過荷鋤豈不苦刈薪行且歌詆毀
日來加醉酒良靡他沈冥在一時千載固難磨小兒為
督郵磬折將如何

其十八

昔余遊滄南曾上升天臺茲也誠玄冥萬里悲風來松
柏摧路傍玉梁安在哉舉手招王喬三洲限蓬萊黃鶴
舞高岑清雲曳徘徊歎息長久術愴惻令人哀

其十九

玉梁不可遊回登懷玉顛應龍歎白霧接我升雲烟憑
軒望四海溷悶良可憐可憐者誰子白馬來翩翩明哲
困糟糠庸子鷺輕軒嫵婉逞一顧力違成過愆傾城亦
何益傷哉誠嗟歎

其二十

黃塗亘東西六龍駕天車一馳濛汜間百計無奈何彎
弓倚扶桑抗手招陽戈浮雲徂我前逝鳥鳴相過鳳凰
愁丹山溟海日夜波行行欲安之念此紛滂沱

其二十一

今日苦炎熱風雩可徜徉亭亭一孤松乃在匡山陽李
公宅深冥朱氏揚其芳仰身攀林巖俯之淚數行勢路
紛狹斜隨利來相戕命駕且復去誓與朱鳳翔

其二十二

貴賤各有命昧者苦保持殷勤話言接轉面不可知一
言相千秋冠蓋赫來馳鷓雀鳴梧桐喻習鸞鳳飢雞鳴
市朝動董生方下帷

其二十三

愒愒懷坦途由之乃江河波起旁所駭舟中如室家中
林設暗罟鴻鵠逝九阿讒巧誠相戕飛鳥日暮過修短
自然理作色將誰何

其二十四

匡山有老人自稱巖下公
綠髮渥朱顏皎若雲間鴻
往來騎白鹿姿美精內充
招我將從之心阻難遽通
流情復高翔翩翩駕天風
夙昔思此人寤言期與同
感此重狂顧德音常在衷

其二十五

騶虞不食草志士寧苟安
矩步揮芬芳凜義不可干
吐辭程大猷妻子常飢寒
中心思美人遙夜起長歎
延頸

望西岐欲鳴途路難躑躅待天晨宵夜徂漫漫明月鑒
房帷涕淚交汎瀾

其二十六

臨事戒憤切憤切增煩心君子被裋褐小人富黃金璇
璣造變化何浮不有沈不見遊波蛤前是簷中禽池鷗
奮羽翼倏忽四海陰沐浴濛汜間飄颻終鄧林

其二十七

少年撫長劍放浪三河濱纍纍道旁者云是金鄧墳歛

翕隨龍飛策符登茂勲南陽多貴人烜赫聞朱輪委身
今黃土千載不復晨首陽有采薇餓死誰為聞遺義凜
秋霜見者常酸辛

其二十八

自聞鷓鴣鳴於心懷憂傷陰氣馴以厲庭草隕繁霜皋
蘭萎不榮瑟風遊素商浮雲晝易冥白日時漏光登山
期所思反見高鳥翔蹠躩豈規步訛言倘壽張揮袂層
霄間撫劍增慨慷

其二十九

昔余挾詩書京里揚鳴珂敷藻藝林間結交聚邊何豈
云傾人城絕代耀姿華分散倏老醜孤遊江湘阿出攀
芳桂林倚岑揮浩歌荆榛蔽丘原浮雲一何多靈劍有
合并詠言傷蹉跎

其三十一

莫笑一杯水覆地東西流人命若飄光超忽誰能留藜
藿足充飢巖巒可遨遊衣文附靈犧莊子誠見羞黃雀

乾下庖白刃臨九州一為華屋吟俄頃歸山丘脫身幸
及今世事如蜉蝣

其三十一

毀譽不可校校之心煩悲榮名蓋一世千載誰見之塞
翁失其馬馬歸駒來隨生死尚無常萬事誠塵灰舒嘯
飲醇酒聊與玄化嬉

其三十二

窶人困貧賤切切常自悲達者競先步所苦名位卑旦

榮昏暮零二者誰復知二者不可知懊惱將何為不見
曠世子埋沒隨蒿藜

雜詩

宛宛春田鳩飛鳴柔且閑一朝化為鷹肅肅厲羽翰衆
禽不敢並孤立秋雲端鳥既不自知人胡究其然

其二

縣縣谷中葛引蔓在修楚修楚伐為薪葛也安所附豈
無絺與綌可以禦清暑烈烈嚴冬時憂君乏纊絮

其三

汎汎河上舟搖搖靡攸止我欲維此舟川廣不可涖振
振鳧與鴈棲食在波水豈不良幽冥夙心耽樂此

詠古鏡

熒熒堂中鏡皎皎懸秋月寵移明與奪勢滿光仍缺美
人昔提攜拂拭生皎潔用以奉君子義投物不忽良無
刮磨費豈謂遽乖絕悲故情自懣爭妍道所劣掩抑經
冬春蕪蝕怨芳節黃鳥及候吟朱蘭有時歇推移準運

理顯晦遵前哲顯晦亦何憐所歎在乖別

雞鳴篇

宛宛天運周雞鳴夜得旦疾者寡長寐思者多寤歎癩
憂積中腸緒理一何亂衆人沓經營君子樂衍衍高山
變為陵深谷化為岸願從詹氏卜乘槎問河漢

潛龍篇

驕陰不可制堅冰憂我衷陽馭條來返玄律播陰風譬
彼晝與夜循環固難窮古人閒行旅九市禁相通陽升

懼不力靜以收其功養木當以萌養德當以蒙眇哉一
絲微奈此羣陰攻脈脈淵泉底疇能拔潛龍

孔翠篇

孔翠耀其羽迺為俗所珍神龍處九困潛躍固有因小
人役瑣屑君子揚其芬遐哉顏閔烈千秋灑靈霧出事
金玉昆入奉堂上親恩義苟不虧豈必饌芳薰爰騁六
藝云圃載泳詩書津何當繼喬木振珮躡高雲

有鳥二首

有鳥東方來長鳴向西北竦身欲縛鳥自顧無羽翼白
日蔽高陸玄陰視無極風飈晝烈烈積霰墮我側星紀
雖云周沴氣尚難測逝者一何速來者懼不力杖杜生
道左孤桐棄遐域雖懷壯士情詎補陽和德

其二

一為羈旅士遂使年歲積人情感新故慘慘不得釋
夜視天上星翳翳雲霰隔陽道卽光明何由布德澤離
居多隱憂悵念在今夕借問悵念誰是我同袍客豈謂

涼暄殊所歎阻疆場緘書寄遊雲會託南征翻

空同集卷十四